

i a koe ana moni. Ahakoa hinga tenei Kawanatanga, ara mai he Kawanatanga hou kaore tenei take e taea te whakakahore. Kua oti ke nga tiiti te haina, kua pumau tenei take mo ake tonu atu.

I waho o te £6,000 i te tau kua whakaae te Kawanatanga mana e utu nga raruraru o Te Arawa ki ana roia Hui katoa tera moni e £2,000.

E ki ana a Paora: "Hoatu te honore ki te tangata i tika ai te honore." I te hui whakamutunga ki Poneke i tohe te Kawanatanga kia whakahokia te moni mo nga moana ki te £4000 piki atu ki te £5,000 i te tau. Na te kaha me te mohio o A. T. Ngata me ona hoa, tata rawa te pakaru o te Kaunihera Kawanatanga mo taua take. He kawenga pea na te manawahe i te kore rakau tika hei karo ma ratau i nga patu a Apirana me ona hoa, whakaae ana te Pirimia ki te haina mai i tana ingoa ki te pukapuka i mauria atu ai e Te Pere ki to ratou Kaunihera. Kaati i runga i enei whakamarama ka kite mai ai koutou kaore he take e awangawanga ai koutou. Heoi ano te mea nui inaianei ko te whakakotahi mai i o koutou whakaaro mo nga kaupapa hei whakapaunga i enei moni. Kia pai ki a marama ta tatou whakahaere i tena wahi, kia waiho ai tena kaupapa hei mibi ma nga iwi ki a koutou, hei tauira hoki ki etahi o tatou hapu. Nga morehu o Te Arawa kia ora katoa koutou.—Etita.



Pihopatanga o Waiapu.

Ko te rarangi tenei o nga pariha kei te nama i te 31 o Tihema 1922.

BALANCES PASTORATE & DISTRICT ACCOUNTS, 31st DECEMBER, 1922.—Hikurangi, £93/17/5; Kawakawa £47/10/11; Moteo, £56/10/10; Te Kaha, £137 2/4; Tokomaru, £53/0/4; Turanga, £170/4/10; Waiapu, £34/14/4; Waipatu, £19; Waipawa, £95/14/6; Whangara, £43/0/4; Mohaka, £169/0/8; Wairoa, £158/5/7.—Total £1067/12/10